

建寧府志卷之三十六

人物

流寓

陳

顧野王字希馮吳郡人隨父烜之宦建安遂居焉
侯景之亂野王先以父憂歸本郡廼募鄉黨隨
義軍援宣城王體素清羸及杖戈被甲陳君臣
逆順之義詞氣俱壯城陷逃會稽仕陳爲黃門
侍郎遷光祿卿野王通經史善丹青尤精於字

建寧府志

卷之三十六

流寓

一

一百四十人

學初與瑯琊王褒竝爲宣城王賓客王甚愛其
才於東府起齋令野王畫古賢命王褒書贊時
人稱爲二絕幼年嘗撰建安地記二篇後又撰
玉篇三十卷輿地志三十卷符瑞圖十卷顧氏
譜傳十卷分埜樞要一卷續洞冥記一卷元遠
象一卷竝行於世又撰通史要略一百卷未就
而卒

唐

翁承贊字文克長安人乾寧中登進士第累遷諫

議大夫使福州至劍浦以詩贈僧亞齊云蕭蕭
風雨建陽溪溪畔維舟見亞齊一軸新詩劍潭
北十年舊臧華山西吟魂昔向江村老空性元
知世路迷應笑乘輶青瑣客此時無暇聽猿啼
時中原已亂承贊因畱居閩閩王審知頗知禮
士以承贊爲相承贊勸審知建四門學以教閩
士之秀者後居崇安之新豐鄉歿而塋焉今其
地名大夫闡有詩集一卷又宏詞前後集畫錦
集共二十卷

建寧府志

卷之三十六

流寓

二

二百九十六
人

翁郃字季長長安人昭宗朝官至尚書左僕射河
西節度使朱梁僭竊恥事二姓以父祖宦閩知
其地僻靜可避亂遂携家至建陽考源後徙居
義寧莒口裔孫泳

南唐

鍾謨字仲益先會稽人徙居崇安仕南唐李景爲
翰林學士周世宗征淮南景遣謨與文理院學
士李德明奉表稱臣割壽濠泗楚光海六州以
求罷兵世宗畱謨不報謨請歸取景表盡獻江

北地許之而第遣德明德明歸景臣宋齊丘陳
覺皆言德明賣國不忠景怒殺之遣齊王景達
與齊丘覺等率兵禦周已皆敗乃使覺捧表臣
周世宗始歸謨蓋被畱者三年謨歸景以爲禮
部侍郎謨故與德明同使相善旣歸問其由齊
丘覺見殺欲爲報冤未會也覺與景相嚴續有
隙覺使周還言世宗以景不卽聽命謀皆由續
勸景誅續謝罪景心疑之旣割地稱臣再遣謨
朝謝謨爲續寬釋世宗大驚曰續爲主謀是其
忠也朕豈殺忠臣乎謨還言覺詐景遂殺覺後
景長子卒欲立其次子煜謨言煜輕肆請立煜
弟從善景怒貶謨國子司業流饒州殺之謨博
識工文最好古碑奉使中原每道旁碑碣必立
馬駐觀嘗見飛趺大碣半沒水中忻然解衣以
手捫揣默記其文他日水涸證以所錄不失一
字二弟訓譚俱官南唐訓建州司馬譚太常寺
奉禮郎

宋

豐稷字相之鄞人徽宗立召爲御史中丞盡言守正嘗論蔡京曾布奸佞又言司馬先呂公著宜配享哲宗廟庭方將遷爲尚書左丞而稷忤貴近出知越州京執政稷連貶竄除名安置建州林公武不知何許人建炎初避地建州城南時葉儂作亂挺身持帛書詣賊壘招降賊疑爲間諜將殺之公武無懼色賊將殺公武以玃卜於神曰陰陽勝兆皆殺之必立玃乃免玃倒地倚案而立賊異而釋之

建寧府志

卷之三十六

流寓

四

二百九十八人

呂祖謙其先河南後徙金華與朱元晦張敦夫友嘗入閩中從林之奇講學久之乃歸時稱東萊先生

華嶽池州人寧宗時爲武學生上疏極數韓侂胄之惡侂胄大怒下獄大理貶建寧園土中郡守傅伯成憐之命獄卒使出繫伯成去郡嶽遂病死獄中

趙士儂字立之宋宗室郇王仲御子紹興間封齊安郡王權奉濮邸祠事數言事忤秦檜及岳飛

被誣願以百口保其無他檜大怒令臺官論擊之謫居建州十有二年而卒

朱松字喬年徽之婺源人政和中第進士爲政和尉父森卒於官邸貧不能歸其喪因葬其邑服除調尤溪尉紹興四年除正字趙鼎爲相除校書郎累遷吏部員外郎秦檜決策議和松與同列上章極言其失檜怒諷御史論其懷異自賢來閩中從羅從彥蕭顛學晚寓建州城南終焉以子熹托孤劉子翬胡憲劉勉之卒成大儒後

建寧府志

卷之三十六

流寓

五

二百人

贈通議大夫謚獻靖嘉靖庚寅詔從祀啓聖公祠所著有韋齋集十二卷

鍾季玉字之純樂平人淳祐進士累江西運判提點都大坑冶元兵渡江歎曰偷生陷地吾不爲也徙寓建陽兵至不屈死之

陸游字務觀越州山陰人提舉建寧府武夷山冲祐觀嘗卜居承安有永安禪院記平生獻納銳然以內修外攘恢復祖宗之境土爲說有渭南

文集

黃幹字直卿三山人從朱熹遊熹妻以女慶元中
築建陽之考亭熹嘗作竹林精舍成謂他時便
可請直卿代卽講席幹寓居卒業凡二十年熹
卒幹爲主喪禮嘉定丙子罷漢陽守奉祠歸考
亭是冬還三山

祝穆字和甫歙人其曾祖確聞於歙于文公爲外
祖父康國從熹居崇安穆少名丙與弟癸受業
文公深得道學之旨遂以儒名公溫雅博學嘗
著事文類聚方輿勝覽諸書宰執程元鳳蔡杭
錄所著書以進除迪功郎爲興化軍涵江書院
山長景定中知軍徐直諒復上其學行于朝方
不樂仕進拂袖歸子洙寶祐四年登進士第撰
四書集註附錄

張仲隆營丘人遊閩客崇安光化禪室淨几明牕
環列資治通鑑百帙焚香玩誦晦翁爲之記其
亦辟地隱君子也

曾松字堅伯章貢人幾從孫仕至江西帥參敬賢
樂善以才廉稱嘉定中寓居建陽縣東北有竹

原山劉勉之舊隱朱熹問道之所松作樂斯菴
於傍黃幹記之

方士繇字伯謨莆田人父豐之娶建陽呂氏女繇
少孤依母家後遷崇安籍溪從朱熹遊往來昭
武建陽間子丕父講學黃幹之門幹稱其剛毅
不苟可爲領袖

謝枋得字君直號疊山弋陽人德祐中除江東制
置使知信州呂師夔叛降元攻信州枋得禦之
兵敗度不支乃變姓名入建寧唐石山轉茶坂

建寧府志

卷之三十六

流寓

七

三百八
人

日麻衣躡屨東向而哭不識者疑其狂已而賣
卜建陽市中卜者委以錢不受惟取米屨而已
其後人稍識之多延至家講學宋亡奉母居閩
元使人聘之枋得作書致時宰謂其爲宋室逋
臣只欠一人後強迫至燕不食死

謝翱字臯羽長溪入徙居浦城試進士不第以文
章名家文天□開府延平檄州郡大舉勤王翱
傾家貲率鄉□□難遂叅軍事宋亡天祥死翱
奔□陵墓□□□主再拜作楚歌挽之流離

匿民間尋隱者方鳳吳思齊吟咏自適絕不問
當世事至元甲午去家錢塘病革語其妻曰吾
去鄉千里交遊恠方韶卿吳子善可收吾骨及
吾文授之葬我于許劍之地

元

杜本字伯原號清碧清江人皇慶初御史大夫忽
刺木薦至京不果用少遊武夷有詹景仁者故
家武夷之平川延本與歸築室居焉文宗初立
遣使召不赴釋書無逸篇附進至正中大臣奏

建寧府志

卷之三十六

流寓

八

二百七十六
人

授翰林待制兼國史院編脩官以疾畱武林後
歸武夷卒有清江碧嶂詩

石抹宜孫字申之處人以副都元帥守處明獲其
弟及母以書招宜孫不至遁入建寧復出與明
師戰敗走歿于桃坂高帝嘉其盡忠遣使諭祭
州民祠祀之

明

章溢字三益龍泉人元末避地入閩隱浦邑之匡
山明太祖遣使以束帛召溢與劉基葉琛宋濂

同至建業上見之勞曰我爲天下屈四先生其
畱予輔溢僉營田司事屢立戰功拜御史中丞
兼太子贊善丁內艱以哀毀卒上甚憫悼親撰
文遣官祭

李材字孟誠江西豐城人嘉靖進士歷官粵東滇
南擢鄖陽巡撫尋謫戍閩漳往還武夷黃華間
因寓建安卜築城南清芬館四方從遊甚衆萬
曆乙巳瓦酋告變滇臺咨取區畫便道歸里卒
學者稱爲見羅先生

建寧府志

卷之三十六

流寓

九

三百十二

人

柯挺字以拔海澄人由北雍舉萬曆癸酉順天解
元庚辰進士累官南京提學御史戊子過建安
愛其丹山碧水之勝卜居紫霞洲當發解時故
遲謁江陵相致憾以進士令南樂鋤强辨枉稱
神君會江陵行文田法挺盡以溢額補瘠地稅
益重其憾江陵敗擢御史時議易壽宮力請易
向毋易山導駕親覽條對明切上悅賜食差刷
光祿奏罷內苑糜費按楚值鄖陽軍變誅其元
兇遂定歲祲設法發倉拯活全楚楚人立石督

學南畿識拔皆名士丁艱服闋絕念仕進卒年七十四所著有史雅正史刪史經千文說四部逸民傳世家列傳建安風土記若干卷藏於家葛寅亮字屺瞻浙江錢塘人父嘗爲崇邑丞讀書武彞最久後宦成築室五曲從講學者甚衆暮年復居西湖卽五曲爲祠祀公公以之祀陽明先生

揭重熙字君緝號萬年江西臨川人以五經成進士除知福寧州闖賊陷京師詔天下勤王閩學

建寧府志

卷之三十六

流寓

十

三百十三人

使郭之奇倡義募兵舉重熙爲帥抵金陵聞大兵南下重熙所部兵潰退屯建昌邵武間知無濟以黃冠隱寓崇安數年後郡將物色得重熙于武夷山中舁至建寧寘諸獄門人孝廉陳士道貢生朱國龍聞重熙被械來謁請畱獄中講學賦詩慷當以概獄卒聞之皆泣下順治入年冬重熙同二門人就戮南市其從者鄧貴戴鳳亦殉于側重熙臨刑詩有平生不數常山舌此日欣依柴市魂之句

見通志

李時興字將甫閩縣人舉人授廣東樂會令遷□
慶丞卜居武夷有終焉之志補臨江府攝袁州
國變自經于萍鄉子鍾鼎奉遺骸葬于武夷之
四曲從先志也

劉景瑗永豐學生僑寓浦城明亡自縊類宮畱詩
二絕至今里巷能誦之妻亦從死人哀其烈

建寧府志卷之三十六 終

建寧府志

卷之三十六

流寓

十一

一百十三
人